

INUIT ATAQATIGIIT

Inatsisartuni



23. 09.2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Pisortanut isumaqatigiissutit aamma pisortanut akissaatitigut isumaqatigiissutit suut Naalakkersuisut sulisartullu kattuffiisa isumaqatigiissusiorfigisimavaat?**
- 2. Pisortatut inissisimanerup nalinginnaasumillu sulisut assigiinngissutaat qanoq killilerneqarsimasimava?**
- 3. Tjenestemanditut taaguut atorunnaariartortillugu manna tikillugu pisortatut taaguuteqartitsinerput ullutsinnut naleqquttua, taamatullu sulisut kalaallit qaffasissumik ilinniagaqarsimanngitsut pisortatut sulisoralugit pisortatigut atorfiit nutaat assigiinngissitaartorpassuit pilersiortorneqarneri naleqquttua?**
- 4. Naalakkersuisut atorfinitsitsinermut kaajallaasitaani 27. september 2017-meersumi § 9 innersuutigalugu, taava kalaallit suliatigut kattuffiinut angisuunut, AK-mut aamma SIK-mut pisortanut isumaqatigiissutit aamma pisortanut akissaatitigut isumaqatigiissutit ammaanneqarnissaannut Naalakkersuisut eqqarsaatigisinnaavaat?**
- 5. ASG-mut, danskit kattuffiisa ataatsimoorfiannuinaq pisortat isumaqatigiissusiorfigineqarsimanerat Naalakkersuisuniit ajornartorsiutitut isigineqarpa, ASG-mimi namminneq ilaasortassanik tigusineq ajorpoq, taamaallaallu tjenestemandit eqqarsaatigulugit pingaarnertut isumaqatigiissusiorsimasuullutik?**

(Inatsisartuni ilaasortaq Sofia Geisler , Inuit Ataqatigiit)

Tungavilersuut:

Namminersorlutik Oqartussat atuutilereernerisigut kiisalu kommunit kattunneqareernerisigut inuiaqatigiinni ineriartornerup nassatarisaanik kalaallit pisortassatut ikkunneqartartut amerliartorsimapput, taakkua misilittagaat aallaavigalugit oqartussaqaarfinni ataasiakkaani atorfiit nutaat naleqqussagaasartut ilanngullugit. Taamaattorli sulisut taakkua ilarpassui qaffasissumik, akademiskimik, ilinniagaqarsimasuunngillat kalaallillu sulinermut kattuffiini (AK aamma SIK) ilaasortaallutik.

Massakkorpiaq Naalakkersuisuni sulinermik inussutissarsiuteqartut kattuffiinut pisortanut atatillugu isumaqatigiissutinik soqarani, taamaattumillu pisortat kalaallit suliffiini misilittagaqarnermikkut atorfiitsinneqartartut ASG-ip isumaqatigiissutaa naapertorlugu atorfinitsinneqartariaqartarput, naak ASG-mi nammineerlutik ilaasortanik nutaanik ilaasortanngortitsineq ajorluartut. Tamanna sulisut isumaqatigiinniartitassaattut suliatigut kattuffinnut ilaasortanngorsinnaanissaminnut piginnaatitaaffiisa qulakkeerneqarnissaat eqqarsaatigalugit ajornartorsiutitaqarpoq.

Taamaattumik Naalackersuisut kalaallit sulinermut kattuffiitut pisortatut isumaqatigiissusiorsinnaangornissaminnut iliuuseqartoqartariaqartut isumaqarpunga, tassa tjestemandinut akissaatitigut killigitat aallaaviujunnaarsillugu pisortatut taaguut nutarterlugu.

Apeqqutit ullut suliffiusut qulit iluanni akineqarnissaat kissaatigaara.